

澄

邁

縣

志

續修澄邁縣志序

昔子輿氏與滕文論政如井田學校分產制祿稱述古制至詳且備而乃要之曰此其大畧又曰潤澤在君與子豈非以審時因地固化理之要道哉澄爲瓊屬邑秦漢始置吏隸圖前此職方形方內史小史採風貢俗俱未之及故紀載亦缺而不詳吏斯土者欲求其地其時之利弊以爲設施緩急先後之宜莫若求端於志乘一書邑有志自康熙年間前令高君纂集後距今百有餘年其間風土人物事類實蹟之足當紀載者遞升遞降或十年一變或數十年一變凜

澄邁縣志

卷之首

新序

一

凜乎有文獻無徵之懼焉余自戊寅權篆茲土甫下車謀所以續而修之旋奉 大憲

奏修粵省通志下尺一飭各牧令續纂邑志呈繳爰集諸章縫李生光先輩葺其事李生輩舉欣然起相應余因語以義例必精考據必詳是非必定取舍必公以成信史編摩閱兩霜告竣余取而讀之竊嘆澄在今日固易治之區而有可興之俗也邑去郡垣最近爲西路諸屬表環疆二百餘里固竒甸之雄封也山接瓊臺之秀水分五指之渠潮通以閣谷繪以圖遷客騷人之所題咏固炎洲之勝地也戶口有民戶軍

戶之殊生齒甚繁也賦役有田糧魚鹽均徭均平之異科則甚詳也以言乎兵防則有營弁有鄉募而海防黎禦尤急也以言乎學校則有書院有社學義學而賓興膏火皆備也以言乎民風士習則尙詩書敦禮讓東坡所謂衣冠禮樂班班者也至於僑寓名賢流風未墜宦遊君子教澤未衰捷南宮者五年再見登秋榜者一舉四人若者掇元魁若者膺薦辟若者以賢祀于鄉若者以文重於世敦孝友者若而人尙行誼者若而人再如林澗幽棲閨闈氣節無非邁山澄水扶輿磅礴之精氣所鬱而發焉者也後之生於

澄邁縣志

卷之十

新序

二

斯長於斯與夫鳩鳩扈扈於斯者觀於封域山川可以識經體控御之勢觀于戶口賦役可以識愛養樽節之宜觀於兵防學校可以識捍災禦患興教勸學之義觀于民風士習可以識轉移變化鼓勵振興之道又以其時流覽先代之功業文章德行道義性情名節之彪炳陸離更可以資觀感興起薰德善良聞風鼓舞使人革心慕義馴至化民成俗而政教行也

則是書固審時地沿革得失借鑑之林有裨化理豈淺鮮哉用走筆而爲之序

嘉慶二十有五年歲次庚辰六月中澣署澄邁縣事

古耒陽謝濟韶敬撰



凡例

一是志推本前史折衷群書兼訪儒宿俯聽輿論不敢率意憑私而虛公審慎亦筆由自操權無旁落庶可徵往昭來

一縣設自漢元鼎治人治法杳遠無徵卽歷唐宋元猶從缺畧其經分縷折纖悉周詳始自前明備於

國朝

一志

聖謨洋洋士民咸知準的宜爲首標故康熙年間所頒訓飭士子文及聖賢諸贊舊志列之藝文非體也今

澄邁縣志

卷之一

凡例

一

編卷首使開卷卽知尊敬

一志中所標綱目按部就班俱遵廣東通志新頒條款首地理次經制賦役學校官師兵防人物海黎藝文而終以雜志凡十卷若金石錄未之有也不
敢纂

一地理具圖五幅爲總爲分凡山川形勝了然心目而後沿革星野氣候風俗鄉都次第紀之

一經制各代不同或主創或主因或名存而實亡或增新而飭舊自城垣官署以及橋梁市肆皆繫興廢盛衰之感不可不詳誌

一賦役絲粟定額不容增損茲存舊志所載更將近造賦役全書錄入以昭畫一至若蠲免優恤皇恩遍及不敢忘也並書之

一學校以儲人材以端風化崇廟貌而隆釋奠甚盛典也其間修舉遷建以及祭器射器義學書院等皆詳載以備參考

一官師現任不列長短示無私也去後或見思從輿論也彼尸祝百世而祀典崇秩者皆有功德於民者也循政異蹟必錄之以爲將來勸

一兵防有備無患澄處西路之衝邊海雜黎水陸協

澄邁縣志

卷之一

凡例

二

守最宜加慎

一人物鍾岳瀆之秀無論顯微無論男女苟可以流芳於世行實顛末炳烺爲昭志內凡廊廟山林孝友節義等俱照舊編錄不敢有遺間有新增必符公論然後附入

一海黎爲澄內外交患防捍偶疎則群奸竊發昔之殷鑒亦屢矣今海息鯨波黎岐革面籌畫周詳更宜善後舊志旣爲之按其形勢復爲之詳其論列凡官茲土者宜三致意焉

一藝文惟其言近道是以行遠匪徒游騁翰墨誇多

鬪靡爲澄爲郡城近邑得文教之先彬彬著述美
不勝收大抵有關於風教及表章山川民物拔其
尤而登之陸離光燦亦不朽之盛事也

一雜志細碎錯出義不相統攝而皆不可以失紀故
以雜名篇自仙釋古蹟以及花木禽魚之類纖悉
不遺亦猶史遷錄雜說方言左國書災祥怪異云
一志自康熙四十九年知縣高魁標重修紀事纂言
較前爲善越一百餘年今乃續之年遠跡湮掛漏
之譏知所不免

一志以高本爲底子其中謬者訂之缺者補之繁者
刪之不無更改然其善處多故照處多而不標原
書者非掠美也天下之善公之天下何分彼此哉

修志姓氏

總修

澄邁縣知縣謝濟韶湖南舉人陽縣

纂修

前署澄學教諭丁宗增雷州舉人海康

協修

澄邁儒學教諭譚鵬肇慶高要縣人

澄邁儒學訓導馮竒州恩平

協輯

澄邁縣巡檢徐行浙江烏城縣人

澄邁縣志 卷之首 四

澄邁縣典史向智四川陽華縣人

恩郡貢生王執纁周語

廩生鍾錫福王章絢增生吳錕

分校

廩生吳受卿增生王吳澧鍾錫齡

生員王祚昌李良元曾省三薛煥陳見龍

王德彤王選士

襄事姓氏

布政司經歷陳廷位同州王大經曾煥南

歲貢生林永清黃鳳朝謝丕基王國綬

貢附

李長熙

貢例

陳國瑛

馮潮

□按察司照磨

梁廷桐

生廩

梁廷槐

生廩

吳受封

潘朝覲

馮維藩

周鳳彩

謝方玉

員生

李嶸

高士奇

王毅侯

林毓秀

吳德至

曾道顯

徐立德

生增

黃組

曾道乾

王執瑞

黃聯升

潘德潤

馮奇豐

韓紹琦

生武

鄭明邦

王之翰

生增

王璫

鄭長盛

生武

吳之綱

員生

馮克貞

生武

王天授

員生

劉有位

生監

王萬幾

勞文炯

吳謙

馮毓璜

王定統

王德孚

蔡孔新

王朝棟

王紹先

黃元玠

澄邁縣志

卷之首

五

鄭大文

翁至修

林德高

邱景崑

徐德仁

王明仕

蔡欽賢

楊元裕

劉誕元

唐廷標

黃國興

張位正

陳大統

羅紀

邱德榮

黃天清

王奠邦

龐望

吳學源

民耆

王諷

彭丕昭

王時正

澄邁縣志目錄

卷之首

御製贊

訓

卷之一

地理志

輿圖

沿革

星野

氣候

附風潮
漲海候

疆域

山川

附井泉

形勝

鄉都

風俗

附占驗

卷之二

經制志

澄邁縣志

卷之一

目錄

一

城池

縣治

附倉庫

壇廟

祠寺

附亭塔

舖舍

坊表

橋渡

陂塘

墟市

卷之三

賦役志

戶口

附軍口

田賦

錢糧

魚課

附鈔課

鹽課

土貢

均徭

附役匠

均平

民壯

驛傳

卷之四

學校志

學宮

祀典

附章祭器樂器陳設

崇聖祠

名宦祠

忠義孝弟

祠

烈節祠

鄉飲圖

射器

學田

書院

社學

義學

賓興

卷之五

秩官志

官師

宦蹟

陰陽訓術

醫學訓術

流寓

卷之六

兵防志

澄邁縣志

卷之一

目錄

二

兵官

營寨

附烽墩堠

屯田

民壯

附保甲鄉兵

兵餉

卷之七

人物志

進士

鄉舉

武科

貢選附廩增

薦辟

掾仕

例職

附庠監

封贈

鄉賢傳

儒林

孝友

義行

懿行

隱逸

列女

烈節

卷之八

海黎志

海 海港 海寇 增防

黎 平黎 議黎附官撫

卷之九

藝文志

勅 贊 銘 序 議

記 賦 詩 歌 策

卷之十

雜志

仙釋 土產 古蹟附塚墓 紀災

澄邁縣志 卷之一 目錄 三

紀異

澄邁縣志卷首 新編

惟天聰明惟聖時憲天有顯道聖有謨訓我
朝憲天出治

列聖相承嘉惠四民者咸於人心習俗躋之二帝三王之
上是治法學術滙爲一源故

天章煥發並日月炳乾坤澄邑涵濡

聖化是彝是訓于

帝其訓猗歟休哉舊志列之藝文殊乖義例茲恭編卷
首遵體製也

澄邁縣志

卷之一

四

贊

御製至聖先師孔子贊

并序

康熙二十五年

蓋自三才建而天地不居其功一中傳而聖人代言其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王

澄邁縣志

卷之一

贊

五

之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹墻可晤孔子之道惟中與庸此心此理千聖所同孔子之德仁義中正秉彝之好

根本天性庶幾夙夜勗哉令圖遡源洙泗景躅唐虞
載歷庭除式觀禮器摘毫仰贊心焉遐企百世而上
以聖爲歸百世而下以聖爲師非師夫子惟師於道
統天御世惟道爲寶泰山巖巖東海泱泱墻高萬仞
夫子之堂孰窺其藩孰窺其徑道不遠人克念作聖
顏子贊 康熙二十八年
聖道早聞天資獨粹約禮博文不遷不貳一善服膺
萬德來萃心齋坐忘其樂十致禮樂四代治法兼備
用行舍藏王佐之器

曾子贊

澄邁縣志

卷之一

贊

六

洙泗之傳魯以得之一貫曰唯聖學在茲明德新民
止善爲期格致誠正均平以推至德要道百行所基
纂承統緒修明訓辭

子思子贊

於穆天命道之大原靜養動察庸德庸言以育萬物
以贊乾坤九經三重大法是存篤恭慎獨成德之門
卷之藏密擴之無垠

孟子贊

哲人旣萎楊墨昌熾子輿闢之曰仁曰義性善獨闡
知言養氣道稱堯舜學屏功利煌煌七篇並垂六藝

孔學攸傳禹功作配

訓飭士子文 康熙四十一年

國家建立學校原以興行教化作育人才典至渥也
朕臨馭以來隆重師儒加意庠序近復慎簡學使釐
剔弊端務期風教修明賢材蔚起庶幾棫樸作人之
意乃比來士習未端儒效罕著雖因內外臣工奉行
未能盡善亦由爾諸生積錮已久粹難改易之故也
茲特親製訓言再加警飭爾諸生其敬聽之從來學
者先立品行次及文學學術事功源委有叙爾諸生
幼聞庭訓長列宮墻朝夕誦讀寧無講究必也躬修

澄邁縣志

卷之首

訓飭

七

實踐砥礪廉隅敦孝順以事親秉忠貞以立志窮經
考義勿雜荒誕之談取友親師悉化僞盈之氣文章
歸於醇雅毋事浮華軌度式於規繩最防蕩軼子衿
佻健自昔所譏苟行止有虧雖讀書何益若夫宅心
弗淑行已多愆或蜚語流言脅制官長或隱糧包訟
出入公門或唆撥姦猾欺孤凌弱或招呼朋類結社
要盟乃如之人名教不容鄉黨弗齒縱倖逃褫扑濫
竊章縫返之於衷能無愧乎况乎鄉會科名乃掄才
大典關係尤鉅士子果有真才實學何患困不逢年
顧乃標榜虛名暗通聲氣夤緣詭遇罔顧身家又或

改竄鄉貫希圖進取囂凌騰沸網利營私種種弊情
深可痛恨且夫士子出身之始尤貴以正若茲厥初
拜獻便已作姦犯科則異時敗檢踰閑何所不至又
安望其秉公持正爲國家宣猷樹績膺後先疏附之
選哉朕用嘉惠爾等故不禁反復惓惓茲訓言頒到
爾等務共體朕心恪遵明訓一切痛加改省爭自濯
磨積行勤學以圖上進國家三年登造束帛弓旌不
特爾身有榮卽爾祖父亦增光寵矣逢時得志寧俟
他求哉若仍視爲具文玩愒弗儆毀方躍冶暴棄自
甘則是爾等冥頑無知終不能率教也旣負栽培復
干咎戾王章具在朕亦不能爲爾等寬矣自茲以往
內而國學外而直省鄉校凡學臣師長皆有司鐸之
責者並宜傳集諸生多方董勸以副朕懷否則職業
弗修咎亦難逭勿謂朕言之不預也爾多士尙敬聽
之哉